



საგარეო საჩქმეთა სამინისტრო


საგარეო საჩქმეთა
სამინისტრო

№ 99/19
00 02 200 Z

დასკვნა

„საქართველოს მთავრობასა და ლუქსემბურგის დიდი საჰერცოგოს მთავრობას შორის შემოსავლებსა და კაპიტალზე ორმაგი დაბეგვრის თავიდან აცილებისა და გადასახადების გადაუხდელობის აღკვეთის შესახებ“ შეთანხმების პროექტზე

საქართველოს საგარეო საჩქმეთა სამინისტრომ განიხილა „საქართველოს მთავრობასა და ლუქსემბურგის დიდი საჰერცოგოს მთავრობას შორის შემოსავლებსა და კაპიტალზე ორმაგი დაბეგვრის თავიდან აცილებისა და გადასახადების გადაუხდელობის აღკვეთის შესახებ შეთანხმების“ პროექტი და ქვეყნის საგარეო პოლიტიკური და ეკონომიკური პრიორიტეტების გათვალისწინებით, მიზანშეწონილად მიაჩნია, წარმოდგენილი შეთანხმების დადება.


ლევან ჭოლაძე
მინისტრის მოადგილე




ს ა ქ ა რ თ ვ ე ლ ო G E O R G I A

იუსტიციის სამინისტრო
MINISTRY OF JUSTICE

№ 01/23/03-1016
„13“ 02 2002წ

საქართველოს საგარეო საქმეთა
მინისტრის მოადგილეს
ბატონ ნიკოლოზ ნათბილაძეს



ბატონო ნიკოლოზ,

თქვენი მიმდინარე წლის 25 იანვრის №2/1097-13 წერილის შესაბამისად, საქართველოს იუსტიციის სამინისტრომ განიხილა „საქართველოს მთავრობასა და ლუქსემბურგის დიდი საჰერცოგოს მთავრობას შორის შემოსავლებსა და კაპიტალზე ორმაგი დაბეგვრის თავიდან აცილებისა და გადასახადების გადაუხდელობის აღკვეთის შესახებ“ შეთანხმების პროექტი და გაცნობებთ:

1. შეთანხმების პროექტის მე-2 მუხლის მე-3 პუნქტში სიტყვას „შეთანხმება“, მართებულია, წინ დაემატოს სიტყვა „წინამდებარე“.

2. პროექტის მე-3 მუხლის პირველი პუნქტის „d“ ქვეპუნქტში ტერმინი „პირი“, მიზანშეწონილია, განიმარტოს საქართველოს საგადასახადო კოდექსის მე-12 მუხლის პირველი პუნქტის შესაბამისად.

3. მე-3 მუხლის პირველი პუნქტის „h“ ქვეპუნქტის მიმართ, გასათვალისწინებელია, რომ საქართველოს საგადასახადო კოდექსის მე-12 მუხლის მე-15 პუნქტში მოცემული „საერთაშორისო გადაზიდვის“ განმარტება მოიცავს ნებისმიერი სახის სატრანსპორტო საშუალებით ტვირთების გადატანას ან/და მგზავრების გადაყვანას.

4. მე-5 მუხლის მე-3 პუნქტის მიმართ გასათვალისწინებელია ის გარემოება, რომ საქართველოს საგადასახადო კოდექსის 29-ე მუხლის მე-2 პუნქტის „ა“ ქვეპუნქტი სამშენებლო მოედანს, სამონტაჟო ან საამწყობო ობიექტს მიიჩნევს მუდმივ დაწესებულებასთან გათანაბრებულ ობიექტად მისი არსებობის დროის მიუხედავად.

5. მიზანშეწონილია, შეთანხმების მე-6 მუხლის პირველ პუნქტთან მიმართებით მხედველობაში იქნეს მიღებული ის, რომ საქართველოს საგადასახადო კოდექსის 168-ე მუხლის პირველი პუნქტის „მ“ ქვეპუნქტის თანახმად, გადასახადისაგან გათავისუფლდება „2008 წლის 1 იანვრამდე სასოფლო-სამეურნეო წარმოებაში

დასაქმებული ფიზიკური პირის მიერ საქართველოში წარმოებული სოფლის მეურნეობის პროდუქციის პირველადი მიწოდებით მიღებული შემოსავალი, თუ კალენდარული წლის განმავლობაში ამ ფიზიკური პირის მიერ ამ მოწოდებით მიღებული ერთობლივი შემოსავალი არ აღემატება 100 000 ლარს“.

6. მე-6 მუხლის მე-2 პუნქტში ტერმინის „უძრავი ქონება“ განმარტება არ არის შესაბამისობაში საქართველოს სამოქალაქო კოდექსის 149-ე და 150-ე მუხლებთან.

7. შეთანხმების პროექტის მე-7 მუხლის მე-6 პუნქტის შესაბამისად, მუდმივი დაწესებულების მოგების განსაზღვრის მეთოდი შეიძლება შეიცვალოს „დამაჯერებელი და საკმარისი მიზეზის“ წარმოშობის შემთხვევაში. დასაზუსტებელია, თუ რა იგულისხმება აღნიშნულ მიზეზში, რადგან საქართველოს საგადასახადო კოდექსის 166-ე მუხლით დადგენილია მუდმივი დაწესებულების კუთვნილი მოგების განსაზღვრის წესი.

8. მე-8 მუხლის პირველ პუნქტთან მიმართებით, მიზანშეწონილია, მხედველობაში იქნეს მიღებული ის გარემოება, რომ საქართველოს საგადასახადო კოდექსის 170-ე მუხლის მე-2 პუნქტის თანახმად: „უცხოური საწარმო (გარდა საავიაციო ტრანსპორტით მგზავრთა საერთაშორისო გადაყვანისა და ტვირთების საერთაშორისო გადატანის განმახორციელებლისა), რომელიც საქართველოში მოცივლებს საქმიანობას მუდმივი დაწესებულების მეშვეობით, წარმოადგენს მოგების გადასახადის გადამხდელს...“, ამასთან, 170-ე მუხლის მე-3 პუნქტის შესაბამისად, საავიაციო ტრანსპორტით მგზავრთა საერთაშორისო გადაყვანისა და ტვირთების საერთაშორისო გადატანის განმახორციელებელი უცხოური საწარმოს საქმიანობა ასევე ექვემდებარება საქართველოში დაბეგვრას.

9. ამავე მუხლის მე-3 პუნქტში ტერმინი „პული“ უცნობია საქართველოს კანონმდებლობისთვის.

10. პროექტის მე-9 მუხლის სათაურში ტერმინი „ურთიერთდამოკიდებული საწარმოები“, მართებულია, შეიცვალოს ფრაზით „ურთიერთდამოკიდებული პირები“ და განიმარტოს საქართველოს საგადასახადო კოდექსის 23-ე მუხლის შესაბამისად.

11. მე-11 მუხლის მე-2 პუნქტთან მიმართებით, მიზანშეწონილია, გათვალისწინებულ იქნეს, რომ საქართველოს საგადასახადო კოდექსის მე-12 მუხლის მე-12 პუნქტის თანახმად, ტერმინი „პროცენტი“ არ მოიცავს საქონლის მიწოდებით ან/და მომსახურების გაწევით წარმოშობილ სავალს ვალდებულებებს.

12. მე-12 მუხლის მე-2 პუნქტთან მიმართებით, მიზანშეწონილად მიგვაჩნია, გათვალისწინებულ იქნეს ის გარემოება, რომ საქართველოს საგადასახადო კოდექსის მე-12 მუხლის მე-13 პუნქტის „ა“ ქვეპუნქტის შესაბამისად, ტერმინი „როიალტი“ ურთვე მოიცავს სასარგებლო წიაღისეულის მოპოვებისა და ტექნოგენური წარმონაქმნების გადამუშავების პროცესში წიაღით სარგებლობის უფლების საფასურს, ხოლო ამავე მუხლის მე-13 პუნქტის „ვ“ ქვეპუნქტის შესაბამისად, „...ტექნიკური დახმარების გაწევისათვის ან ამ უფლებათა გამოყენებაზე უარის თქმით მიღებულ შემოსავალს“.

13. შეთანხმების მე-13 მუხლის სათაურში ფრაზა „შემოსავლები კაპიტალის მატებიდან“ უცნობია საქართველოს კანონმდებლობისთვის.

14. მე-14 მუხლის სათაურში ფრაზა „დამოუკიდებელი პირადი მომსახურება“ უცნობია საქართველოს კანონმდებლობისთვის.

15. დასადგენია, რამ განაპირობა წარმოდგენილი შეთანხმების პროექტის 30-ე და 31-ე მუხლების მე-2 პუნქტებით გათვალისწინებული განსხვავებული რეჟიმის დადგენის საჭიროება.

16. ზემოხსენებული შეთანხმება შესაბამისობაშია მოსაყვანი „ნორმატიული აქტების შესახებ“ საქართველოს კანონის 32-ე მუხლის მე-2 პუნქტთან.

17. ამასთან, „საქართველოს საგადასახადო კოდექსის“ მე-2 მუხლის მე-7 პუნქტისა და „საქართველოს საერთაშორისო ხელშეკრულებების შესახებ“ საქართველოს კანონის მე-14 მუხლის მე-2 პუნქტის „ე“ ქვეპუნქტის თანახმად, წარმოდგენილი შეთანხმება ექვემდებარება საქართველოს პარლამენტის მიერ რატიფიცირებას.

მხმ პატივისცემით,



კონსტანტინე კორკელია
მინისტრის პირველი მოადგილე



№ 47-04/3755
17 " 04 2007


საქართველოს საგარეო საქმეთა
მინისტრის მოადგილეს
ბატონ ლევან ჭოლაძეს


ბატონო ლევან,

წარმოგიდგენთ "საქართველოს მთავრობასა და ლუქსემბურგის დიდი საჰერცოგოს მთავრობას შორის შემოსავლებსა და კაპიტალზე ორმაგი დაბეგურის თავიდან აცილებისა და გადასახადების გადაუხდელობის აღკვეთის შესახებ" ხელშეკრულების ლუქსემბურგის მხარესთან შეთანხმებულ ტექსტს ინგლისურ და ქართულ ენებზე. შეთანხმებასთან დაკავშირებით უწყებების მიერ წარმოდგენილი შენიშვნების განხილვის შედეგების ცხრილს (შეთანხმების ფურცელს) და საქართველოს ფინანსთა სამინისტროს განმარტებით ბარათს.

გთხოვთ, მოამზადოთ საქართველოს პრეზიდენტის ბრძანებულების პროექტი საქართველოს ფინანსთა მინისტრის ბატონი ალექსი ალექსიშვილისათვის შეთანხმებაზე ხელმოწერის უფლებამოსილების მინიჭების თაობაზე.

დანართი: 46 გვერდი

 პატივისცემით,


დimitრი გვინდაძე
მინისტრის მოადგილე